


445

F

45



Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
#43745







Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 F 45



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 F 45



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 P.45







uw 445 F 45

ANTONII SCHULTINGII, JOH. FIL.
JURISCONSULTI,


ORATIO INAUGURALIS.

Qua disquiritur, culpandusne sit Tribonianus, quod Jurisconsultorum, qui stante libera Republica Romana claruere, scripta suppresserit; ac posteriorum, qui sub Imperatoribus floruerunt, Responsa in Pandectas retulerint.

Dicta publice
IN TEMPLO ACADEMICO

Prid. Id. Mart. c1o 13c xcv.

Cum Ordinariam Juris Professionem in Inclita Frisiorum Academia solenniter auspicaretur.



FRANEQUERÆ,
Apud JOHANNEM GYZELAAR, Illustrum Frisæ
Ordinum & Eorundem Academiæ Typographum Ordinarium.
ANNO c1o 13c xcv.

ANTONI SOHN

ORATIO

IN ACADEMIA

HENRICO CASIMIRO

ON DILIGENTIA

REPUBLICA ROMANA

IN ACADEMIA

REPUBLICA ROMANA

IN ACADEMIA

REPUBLICA ROMANA

IN ACADEMIA

REPUBLICA ROMANA





S E R E N I S S I M O.

P R I N C I P I.

HENRICO. CASIMIRO.

DEI. GRATIA. PRINCIPI. NASSAVIAE. ETC.
COMITI. CATTIMELIBOCORUM. VIAN-
DAE. DIETZIAE. SPIEGELBERGAE. ETC.
BARONI. LIESVELDIAE. DOMINO. BIEL-
STEINII. ETC. LIBERAE. FRISIORUM.
REIPUBLICAE. DOMI. MILITIAEQUE.
PRAEFECTO. HEREDITARIO. UT. ET.
GRONINGAE. AC. CIRCUMJACENTIUM.
TERRITORIORUM. DRENTHIAEQUE.
GUBERNATORI. ET. SUPREMO. MILI-
TIAE. IMPERATORI. MILITIAE. FOEDE-
RATAE. BELGICAE. MARESCHALLO. OR-
DINIS. EQUESTRI. TEUTONICI. MA-
GISTRO. INCLYTAE. FRISIORUM. UNI-
VERSITATIS. CURATORI. HONORARIO.
MAGNIFICENTISSIMO. LIBERTATIS. A-
VITAE. VINDICI. ET. ASSERTORI. GE-
NEROSISSIMO. LITTERARUM. AC. ERU-
DITORUM. PRAESIDIO. AC. MAECENA-
TI. SUMMO. ETC. ETC.

A 2. U T.

UT. ET.
NOBILISSIMIS.
AC.
PRAEPOSENTIBUS.
ILLUSTRIUM.
FRISIAE. ORDINUM.
DELEGATIS. NOVENVIRIS.
QUIQUE. ILLIS. A. MANU.
VIRO. GRAVISSIMO.
NEC. NON.
NOBILISSIMIS. & SPLENDIDISSIMIS.
ACADEMIAE. FRISIORUM.
CURATORIBUS.
ORATIONEM.
HANC. INAUGURALEM.
L. M. Q. D. D. D.
ANTONIUS. SCHULTINGIUS.



ANTONII SCHULTINGII
O R A T I O
INAUGURALIS.

*Nobilissimi ac Perillustres Inclytæ huic Universitati
constituendæ Quatuorviri.*

Magnifice Rector.

Medicinæ Honoraria Professione Vir Venerabilis.

*Quarumcumque Artium ac Disciplinarum Professores
longe Celeberrimi.*

*Natalium fulgore, Primariisque vel in Republica, vel
in Jure dicundo Dignitatibus condecorati Viri Am-
plissimi, Splendidissimi.*

Civitatis hujus Consules & Senatores Prudentissimi.

Divinorum oraculorum Interpretes Fidelissimi.

Artium quarumcumque Doctores Eruditissimi.

Cives Hospitesque omnium ordinum Præstantissimi.

*Vos denique, Virtuti & Doctrinæ consecrata pectora,
Reipublicæ, parentum & nostra spes, amor, de-
sideria, Studiosi Juvvenes.*



Um, quo res mihi loco
nuper fuerint, quoque
eædem cum maxime
constitutæ sint, atten-
tiore paulo animi con-

B

tem

6 ANTONII SCHULTINGII

templatione intueor, uti ab una parte deprædicandæ non mediocri intervallo lætioris ac felicioris fortunæ meæ, ita ab altera curæ, timoris, sollicitudinis causas invenio, easque longe gravissimas. Annus jam quartus agitur, ex quo Juris in patria Gelro-Zutphaniensi Universitate interpretandi publica auctoritate demandata mihi est provincia. qua in statione, & si cum alia plurima, tum vero in primis quietis, tranquillitatis, & quorundam quasi Alcyoniorum dulcedo ac jucunditas mirifice me ceperint, delectarint, vitamque mihi reddiderint nec incommodam, nec inamœnam, & ad promovenda studia non male prorsus accommodatam; id tamen agnosco lubens, atque profiteor, nihil mihi in præsentī utilius, nihil pulcrius, nihil conciliandæ laudi, gloriæ, celebritati magis comparatum evenire potuisse, quam, ut illic aliquamdiu velitatus,

ORATIO INAUGURALIS. 7

tus, rebusque in tenuioribus prælu-
dendo ad majora instructior, paratior
ac confidentior redditus, in hoc am-
plissimum Musarum domicilium, in
hanc omnis eruditionis & humanita-
tis sedem, in hoc cunctis, quæ ad
recte instituenda & excolenda qualia-
cumque studia desiderari queunt præ-
fidiis, adjumentis & ornamentis in-
structissimum bonæ mentis theatrum,
ea, qua id mihi obtigit ratione, ho-
norificentissima, scilicet, evocarer.

Verumenimvero, cum subit ani-
mum Universitatis hujus eximia, & nul-
li non decantatissima amplitudo; cum
virorum in quarumlibet divinarum
humanarumque rerum scientia versa-
tissimorum, quorum indefesso labore
invietaque industria admirabilem hanc
& invidendam ad celebritatem illa est
evecta, tam fato functorum, quam
superstitum, ingentem ac stupendam
plane respicio copiam; præcipue ve-

B 2

ro,

8 ANTONII SCHULTINGII

ro, cum contemplandos mihi propono maximos decessores; tum vero magis magisque sentio, quantum in me receperim oneris; sentio, quantum de me spei conceptum esse videatur, quamque difficile, arduum, longe saltem ultra mearum virium mediocritatem sit, illi satisfacere. Obversatur heic animo, ut superiores, Schottanos, Sandios, Busios, Fabros, Wilsenbachios, pluraque commendatissima æternitati nomina præteream, Vir Summus Ulricus Huberus, de Academia hac primo præclarissime meritus; dein, ad amplissimam Juris, quod hætenus maximo cum applausu docuerat, in Suprema Curia civibus reddendi provinciam admotus; tandemque, administrato aliquamdiu egregie splendidissimo illo munere, iterum studiis prioribus aucta dignitate restitutus: quem modo, post exantlatos infinitos gravissimosque
 stu-

ORATIO INAUGURALIS. 9

studendi, docendi, scribendi, respondendi, judicandi labores, jam emeritum visum est Supremo rerum Moderatori honesta missione donatum in coelitem numerum transscribere; non absque irreparabili rei literariae & Universitatis hujus detrimento, nisi doctrinae ac virtutum suarum vivam nobis reliquisset imaginem, Filium, Virum Clarissimum, qui traditam a decurso patre lampada hoc ipso tempore suscipit. Occurrit itidem Vir Magnus, & ingenio, eruditione, prudentia singulari Gerardus Noodt, Lugduni in Batavis in praesenti Antecessor Celeberrimus: quo cum quod mihi non eadem tantum patria, Gelria, ac urbs natalis, ejus caput, Neomagum; sed & communia cognationis jura contigerint, non possum non maximo mihi honori ducere: cuique Viro, praeter innumera, & pene quotidiana

C

tidia-

IO ANTONII SCHULTINGII
tidiana, quæ mihi Lugduni Batavo-
rum quondam degenti contulit be-
neficia, plurima etiam, quæ ad illu-
strandam politio-rem. Jurispruden-
tiam conducerent, accepta referre me
debere, dum vivam prædicabo. Of-
fert sese mihi denique Vir Insignis
Cornelius van Eck, Gelrus itidem,
nunc apud Ultrajectinos Antecessor
dignissimus, mihi ex condiscipula-
tu, cum Viris Juris scientia ac fama
inter principes conspicuis, Johanni
Friderico Böckelmanno ac Johanni
Voet operam in laudata modo Lug-
duno daremus, amicitia ac familiari-
tate conjunctissimus. Hos ego Viros
mihi dum repræsentō, humerorum-
que meorum robur justa lance exa-
mino, dissimulare non possum, Au-
ditores, animo me non mediocriter
commoveri. Unum tamen est, quod
me consoletur atque confirmet,
quod, etiamsi paria tantis cum Viris
face-

ORATIO INAUGURALIS. II

facere tantum non desperem, tamen
& mihi a labore, diligentia, assiduitate,
contentione aliquid saltem liceat mu-
tuari, quod a natura ingenioque ob-
tineri minus poterit. Hæc me fiducia
tenet, hæc fovet; hac fretus, & absens
religioni duxi Serenissimi Principis &
Perillustrium, Nobilissimorumque,
Procerum ac Curatorum voluntati
& benevolentissimo de offerenda mi-
hi vacante Juris professione decreto
refragari; &, quod mihi, quod flo-
rentissimæ huic Academiae, quod u-
niversæ denique Frisiae auspicatum,
lætum ac fortunatum velit esse Su-
premus rerum Arbiter, nunc præsens
in hac frequentissima & magnificen-
tissima concione demandatum mihi
Juris docendi munus publice luben-
tissimo animo capeffo ac suscipio. In-
tuenda autem egregia hac sparta id
dies noctesque severa lege agam,
contendam, meditabor, allaborabo,

12 ANTONII SCHULTINGII

ut nulli non sit quam testatissimum,
enixam saltem voluntatem bene de
Præstantissimorum Juvenum studiis
merendi, pulcerrimosque ipsorum
conatus omni animi ac corporis nisu
adjuvandi, regendi, promovendi
nunquam mihi defuisse. His ego Juris,
præcipue Romani, id est, æqui bo-
nique fundamenta ac præcepta rite
explicata exhibere pro virili studebo:
Juris, inquam, Romani, quod Sa-
cratissimi Imperatoris Justiniani au-
spiciis ac jussu collectum, digestum,
ordinatum, confirmatum, dein per
sex ferme rudia, insipientia, infice-
ta, omnisque humanitatis, doctrinæ
atque elegantiae ignara secula tantum
non intermortuum, non absque ali-
quo numine tandem in scholas ac
fora Occidentis, imperante Lotha-
rio Saxone, postliminio rediit: quod
etiamnum hodie, extincto licet jam-
dudum & sepulto penitus Imperio
Ro-

ORATIO INAUGURALIS. 13

Romano, ob solam tamen, qua fulget, æquitatem ac justitiam apud potiores Christiani orbis populos, alibi quidem in pluribus, alibi in paucioribus partibus, ita tamen laudatur, colitur, frequentatur, ac si non unius populi usibus destinatum; verum dictante ipsa natura introductum, & communi multarum gentium utilitati esset accommodatum: quod scriptam rationem appellare non dubitarunt Viri eruditione, sapientia, dignitate, gravitate excellentissimi: cujus præstantiam, exactitudinem, necessitatem tot jam doctissimi homines ita diserte, ita ornate, ita copiose ac luculenter celebrarunt, ut, si quis exquisitissimis, quibus illi id ipsum condecorarunt, elogiis ac præconiis aliquid vellet superaddere, post Roscios comœdiam agere, post Homeros Iliada scribere velle posset videri; idque in hac nostra præsertim

D

Fri-

14 ANTONII SCHULTINGII

Frisia, quæ, si ulla uspiam Europæa natio, maxima sane etiam diligentia, studio, reverentia Jus Quiritium amplectitur, retinet, observat, veneratur.

Ea tamen rerum humanarum est ratio, ut nihil tam præclarum, nihil tam exactum, nihil tam omnibus numeris absolutum reperiatur, quin nævis suis deformetur ac maculis: atque adeo etiam in pulcherrimo hoc Juris Corpore attente & accurate singula rimanti nonnulla sese offerunt, Virisque maximis animadversa sunt, quorum nomine Justinianus, ejusque in difficili hoc maximique momenti negotio administri, Tribonianus cum collegis, reprehendantur; & tamquam parum attente, oscitanter nec satis bona fide versati in re longe gravissima & quam maxime seria, in excerptis, nempe, colligendis, inque decorum ordinem redigendis ve-

te-

ORATIO INAUGURALIS. 15

terum Jurisconsultorum responsis & Imperatorum Constitutionibus, traducantur. Qua in parte optandum esset quidem, ne victas unquam manus Justiniani ac Triboniani infectatoribus dare cogeremur; at ita sese res habet, ut, nisi evidentissimæ, & ipsa meridiana luce clariori veritati bellum facere, ac vim inferre velimus, nonnumquam vel invitissimi aurem iis præbere necesse habeamus. Verum etiam e diverso observare licet, acres nonnullos infestosque Triboniani reprehensores, dum vel Juris Romani auctoritati nimium & ultra quam fas est derogatum cupiunt; causæque huic semel, sive recte, sive perperam & imprudenter, susceptæ plus æquo interferviunt; vel immoderatori carpendi feruntur impetu, ipsique sibi nimis placent in culpando opere, quod omnes fere hæcenus, tamquam ancyle aliquod atque Palladium e cœlo

D 2

de-

16 ANTONII SCHULTINGII

delapsū venerabantur, talia acerbissime objicere, quæ, si iusta expendantur trutina, vel exigua aut plane nulla, vel non hominum tantopere, quam quidem infeliciū illorum, quibus nati erant, & ad barbariem inclinantium temporum vitia esse apparebunt. Immo inter maculas & dehonestamenta Corporis Juris universi, saltem Pandectarum, nonnulla enumerari conspiciamus, in quibus adeo nulla plane comparet culpa, ut contra, si illud ipsum effectum dedisset Tribonianus, quod isti maximo iniquissimoque clamore ac convicio exigunt, meritissimo jure apud omnes, & sui & sequentium ævorum homines, non sapientes tantum, sed solo communi sensu præditos, risum & ludibrium debuisset. Quo in numero dubitavi sæpius, num & illud recensendum veniat, quod Jurisconsultorum, qui stante libera Re-

pu-

ORATIO INAUGURALIS. 17

publica Romana claruerunt, libros suppressisse, horumque priscorum loco, recentiorum, qui sub Cæsaribus, seculo præcipue a nato generis humani Servatore secundo & tertio floruerunt, responsa in Pandectis nobis exhibuisse infimuletur.

Est sane ea hujus quæstionis vis, ut longe plus, ac ulla fere alia ad augendum vel elevandum Juris Romani pretium pertineat; quippe, quæ de ipsis, unde id haustum est, fontibus, controversia moveatur; adeoque visa mihi est non indigna, quam in ipsis professionis meæ heic loci auspiciandæ exordiis in splendidissima hac panegyri accuratius excuterem. Quod ut feliciter atque ex voto mihi procedat, Vos, omnium ordinum, natalium, dignitatum, Auditores, id quod Vestra etiam, ultro mihi pollicetur comitas atque humanitas, enixe rogatos cupio, ut me, cui no-

E

va

18 ANTONII SCHULTINGII

va hæc & insueta auditorii facies, fulgor ac frequentia; tot summorum & primariorum, cum in Republica, tum in omni doctrinæ genere virorum præsentia non mediocriter oculos animumque præstringunt, placide, benevole attenteque dicentem audiatis; atque ita, causa hinc inde accurate cognita, quasi data Vobis condemnatoria atque absolutoria tabella, prout rationum & argumentorum momenta exigere videbuntur, sententiam vel contra Tribonianum, vel pro eodem proferatis.

Nemo reperitur hodie, qui vera humanitatis studia aliqua veneratione prosequatur, quin toto animo doleat irreparabilem, fatalem ac nunquam satis deplorabilem illam jacturam, qua Romanorum veterum præstantissima & divina in omni arte ac scientia monumenta, paucissimis tantum, veluti raptis ex naufragio tabulis, superstiti-

ORATIO INAUGURALIS. 19

tibus, penitus interiere. Norunt namque omnes, & restantes id luculentissime arguunt reliquæ, quantum in illis omnigenæ eruditionis, sapientiæ, facundiæ, elegantia lumen emicuerit. Quin nec mihi mens adeo læva, pectusve adeo obtusum, ut ulla ab his ratione dissentiam. imo, si quisquam alius, ego etiam nihil temere tam reliquis antiquis, quam præcipue illis, qui stante Republica Romana floruerunt, scriptoribus, ac inter eos Jurisconsultis, detractum cupio. Scio, verissime a M. Tullio, & tamquam Delphis, pronuntiatum esse, Romanorum illius temporis ingenia aliarum gentium ingeniis multis partibus antecelluisse. scio, plurimos inter eosdem, Jurisperitos viros fuisse eximios, sapientissimos, gravissimos ad propaganda publica commoda natos, summarum etiam dignitatum luce conspicuos. Tales fuisse comperi Porcios

20 ANTONII SCHULTINGII

Catones, Mucios Scævolas, Manilium, Brutum, Servium Sulpicium, A. Cascellium innumerofque alios; a quibus nihil, nisi æquisimum, ingeniofissimum, politissimum, consummatisimum denique proficisci potuisse, jure quis existimare posse videatur. Qua ratione etiam culpæ forte aliquantulum commiserit Tribonianus, quod non, nisi ex uno alterove priscorum illorum Jurisprudentium, illaque paucissima, in Pandectas fragmenta retulerit. An tamen, misfis recentioribus, Papiniano, Cerebido Scævola, Africano, Juliano, Ulpiano, Paulo, Pomponio, Gajo, Modestino; ex antiquis illis opus sibi demandatum concinnare debuerit, ea vero longe diversa est quæstio. de qua quid statuendum veniat, cuivis facillime liquere poterit, si modo Imperatoris Justiniani, cum in reliquo Juris Corpore, tum specialiter in

ORATIO INAUGURALIS. 21

in Pandectarum volumine componendo scopum, atque adeo, quid Triboniano ipsiusque adiutoribus faciendum incubuerit, quænamque ipsis hunc in finem concessa fuerit potestas; nec non, quo loco vetustorum illorum Juris auctorum responsa, ea ipsa non tantum tempestate, sed & præcedentibus seculis habita fuerint, diligenter attenteque consideraverimus.

Cæsar igitur Justinianus, anno sexti a partu virginis seculi septimo ac vicesimo Imperii admotus gubernaculis, cum nimia sua mole Jurisprudentiam laborare, miserandamque ac fœdam plane in foris & tribunali-
bus animadverteret, confusionem; plurima illic in manu plane esse judicantium, omnia denique vaga, incerta atque ambigua sursum ac deorsum, volvi, præ legum, Senatusconsultorum, edictorum, nec non elaboratorum a Jurisconsultis librorum

F

rum

22 ANTONII SCHULTINGII

rum infinita multitudine, varietate, inconstantia; de quibus jam dudum prudentissimorum hominum gravissimæ justissimæque personabant querelæ; serio de medicina huic tanto, tam inveterato, tam rebus humanis exitioso malo adhibenda cogitandum esse existimavit; atque ita impetum cepit aggrediendæ rei, qua, uti ad umbilicum perducta nihil præclarius, nihil Imperatore dignius, nihil ad consequendam nominis immortalitatem magis comparatum, ita nec quidquam ea rite perficienda difficilius, magis arduum & pene desperatum reperiri poterat; quamque adeo, licet multi Principes jam dudum omnino necessariam judicassent, inventus tamen inter illos erat ferme nemo, qui manum eidem admoveere sustinuiſſet. Initium vero redigendi ad certum modum certumque ordinem Juris Romani fecit Imperator a Cæsarum con-

ORATIO INAUGURALIS. 23

constitutionibus; quarum, annorum, quippe, quadringentorum & amplius spatio, ab Adriano, videlicet, ad ipsum Justinianum usque, editarum, infinitus plane exstabat, numerus; quarumque antiquissimæ, & ante Constantinum Magnum emissæ, Gregoriano ac Hermogeniano; inde vero ad Theodosium usque Juniorem promulgatæ, Theodosiano continebantur Codice; reliquæ posteriores Novellarum appellatione, designabantur: ex his ergo omnibus, nec non suis constitutionibus unum iussit confici Codicem, vitatis resectisque, quantum ejus fieri poterat, quæ abolita, supervacua, & maxime quæ aliis contraria occurrerent: idque eo pacto, ac si cuncta eo comprehensa illo ipso tempore excogitata, perscripta, vulgata fuissent: huncque solum Codicem vim juris obtinere voluit, ut ea ratione unus

24 ANTONII SCHULTINGII

tantum, isque certus esset constitutionum fons, & indubitatum in hac juris scripti specie incertitudini pristinae tollendæ remedium.

Inposito autem huic labori colophone, alia adhuc, illaque longe diffusissima, & fovendæ in æternum in Jurisprudencia confusio apta materia sese obtulit, cum veterum Jurisconsultorum infinita etiamnum volumina, ad duo usque librorum millia reperirentur, suamque in foro auctoritatem obtinerent; quibus illi partim antiquas leges, Senatusconsulta, edicta, orationes Principum illustraverant, partim ambiguas enodaverant quæstiones, responsa consignaverant, vel elementa ac dictata Juris certo ordine exposuerant. In hisce autem, utpote non paucorum aliquot annorum, sed sex, septem & amplius seculorum intervallo conscriptis, innumera legaban-

gebantur dudum vel defuetudine,
oblitterata, vel contrario recentiori
jure sublata; nec pauca controversa,
in quibusque non unus tantum alte-
ri, sed idem sæpe ipse sibi diversis in
locis contradiceret: ut adeo vix ul-
lus omnes illos libros sibi comparare
valeret; nemo vero unus tam con-
summatus iudex, nemo Jurisconsul-
tus in arte sua ita egregie versatus
reperiretur, qui non in vastissimo
hoc oceano incertus, modo vagare-
tur, modo hæreret, & quid pro-
nunciandum vel respondendum esset,
penitus ignoraret. Quid in tanta re-
rum perturbatione Imperatori Justi-
niano agendum fuit? Operæ erit pre-
tium, nec ab instituto nostro pror-
sus alienum, paulo pluribus de eo
differuisse. Præstitissetne igitur om-
nia in eo, quo erant, statu relicta
fuisse; uti cum aliis, tum aliquando
visum est Viro cuidam doctissimo;
qui

G

qui

26 ANTONII SCHULTINGII

qui integro libello admodum acerbe
 Tribonianum inpetere aggressus est,
 contraque quem etiam nostra hæc
 potissimum dirigitur oratio? Id op-
 tandum quidem alicui posset vide-
 ri, qui existimaret, ea forte ratione
 accidere potuisse, ut ex antiquorum
 monumentis quædam saltem ad nos
 integra pervenissent. Iniquissimi ta-
 men erimus Imperatoris Justiniani
 accusatores, si hoc in ipsum nomine
 invehamur, quod non diutius suo
 Jurisprudentiam hac in parte, hoc est,
 miserabili omnino fato ferri permi-
 ferit: sed eandem certis limitibus cir-
 cumscribendam, unumque in librum
 cogendam curaverit: id enim fecit,
 publici commodi ratione, cui nihil
 æque adversatur, ac jurium nimia
 moles, inconstantia, & inter se con-
 tradictio; nec non urgenti tempo-
 rum necessitate adductus. Quin nec
 illud heic quærimus, quid nobis uti-
 lius

ORATIO INAUGURALIS. 27

lius jucundiusque , quidve ad admiranda & laudatissima veterum Quiritium instituta intelligenda aptius futurum fuerit : sed quid Justiniano Cæsari , cui id inprimis prospiciendum incumbibat , ut recte sese in foro res haberet judiciaria , & lites certa ratione dirimerentur , fuerit faciendum. Atque adeo nullus video , quo colore , quave specie audax aliquod & ingens facinus ab Imperatore in eo admissum esse , possit affirmari , quod ex infinita illa librorum copia & vastissima responforum sylva unum aliquod colligi jusserit opus , quod , tamquam Cynosura , in respondendo ac judicando observaretur. Et quis tandem asserere ausit , si nullus unquam in rerum natura fuisset Justinianus aut Tribonianus , tum veterum Jurisperitorum monumenta , vel omnia , vel aliqua etiam ætatem ad nos usque lata fuisse ? Nondum tunc

G 2

illa

28 ANTONII SCHULTINGII

illa humano generi saluberrima & singulari prorsus Sempiterni Numinis dono mortalibus concessa ars typographica innotuerat, cujus ope hodie facillimo negotio voluminum aliquot millia describuntur, disseminantur, conservantur: verum singula exemplaria difficili & immani labore sumptuque describenda, relegenda, emendanda erant: adeoque etiam ex hujus seculi ratione de Justiniano ævo judicare velle, hominis esset aut parum æqui, aut parum intelligentis. Quem nostrum præterea fugit, quid reliquis veterum lucubrationibus acciderit, quomodoque absque ullius Justiniani Tribonianive malo ministerio, sola temporum injuria, posterorum inscitia, barbarie, atque ignavia interierint, & densissima tenebrarum & oblivionis nocte urgeantur? Et quis credat, meliorem Jurisperitis fortunam exspectandam fuisse?

fuisse? Immo tantum inde, ut ego quidem arbitror, abfuturum fuit, ut e contrario periculum futurum fuerit, ne absque Justiniani auxilio tota prisca Jurisprudentia penitus intercidisset. Non illæ, quæ aliorum veterum auctorum, portionem qualemcumque nobis conservarunt, causæ in Jurisconsultis obtinebant: scilicet, in rerum Divinarum scientia, Medicina, Mathefi, Philosophia semel recte inventa & exposita, vera ac recta esse numquam desinunt; in historicis, oratoribus, poëtis exempla & præcepta egregia ac salubria, antiquitates, sententiarum atque verborum elegantiaë investigantur; quorum omnium usus patet latissime; nec quisquam est, cui cor rite saliat, quemque rerum præclararum cognitio delectet, quem talia non capiant. Quid simile in Jurisprudentia? An non jura quotidianæ mutationi pro lubitu,

H

nutu

30 ANTONII SCHULTINGII

nutu atque arbitrio Principum obnoxia sunt? An non ita simul necesse est, ut creberrime corruant optimæ priscorum interpretationes, exactissimæ antiqui Juris nodorum solutiones; excellentissima denique vetustatis inventa merarum in foro fabularum nomen mereantur? Adeoque non heic quæ aliquando æqua atque egregia fuere, ita etiam semper sese habere existimantur; sed illa potissimum placeant, quæ præsentis temporum rationi respondeant, quæque, in ipsis, ut Imperator loquitur, rerum argumentis obtineant. Reliqua à Jurisperitis plerumque solent negligi; atque etiam aliis, nulla Juris notitia imbutis, nulli, vel exiguo admodum sunt fructui; quinimmo sæpe illis intellectu non sunt facilia, ac si Sphingis ænigmata, Apollinis oracula, vel Sibyllæ Cumææ folia præ manibus haberent. Quæ omnia si quis rite perpenderit, ac

ORATIO INAUGURALIS. 31

ac totum illud, quod inter Justinianum Imperatorem & renatam Jurisprudentiam intercessit temporis intervallum, frequentesque in illo rerum vicissitudines, nec non spissas & plus quam Cimmerias ignorantiae, quæ universum fere terrarum orbem oppressere, tenebras ad animum revocarit, is mecum, ut puto, fatebitur, vix aliquid spei apparuisse, ut prisca Juris auctores illud tam terribile, tam fatale, quod tam multos involvit, quodque vix ipsa Juris novi Justiniani volumina evadere potuerunt, exitum eluctarentur. Verum ut ad Justinianum revertar, interfuiisset quidem Jurisprudentiæ, ut id, quod ille perfecit, feliciori aliquo seculo effectum fuisset, vel potius, ut Justinianæ ævum doctius fuisset atque elegantius. Attamen, si morbi longe lateque & periculose sævientis non ideo prætermittenda cura est,

H 2

quia

32 ANTONII SCHULTINGII

quia forte commodiori anni tempe-
state meliora ac tutiora adhiberi pos-
sent remedia, non video quoque, quid
hac in parte peccaverit Justinianus:
qui etiam, quamvis vel maxime de
eo cogitasset, nulla tamen conjectu-
ra aut potius divinatione assequi po-
tuit, quando, quin nec, an umquam
aurea aliqua argenteave ætas foret
exoritura; an vero, uti etiam evenit,
omnia indies magis magisque retro
sublapsa in pejus, & extremum tandem
in exitium essent ruitura.

Absoluto igitur Codice, Impera-
tor maximi moliminis opus, quodque
ante ipsum nullus vel tentare ausus
fuerat, aggredi sustinuit; ac Tribon-
niano, Jurisconsultorum, qui tunc
vivebant, principi, primario suo ad-
ministrato, aliisque inter Jurisperitos
celeberrimis viris, ipsi adjunctis, man-
davit, ut ex immani illa bis mille li-
brorum multitudine, omnibus dili-
gen-

ORATIO INAUGURALIS. 33

gentissime evolutis, excusis, perlustratis, quæ in foro judiciisque etiamnum forent recepta atque probata exciperent; eaque selecta, nonnullis, si id utile aut necessarium existimarent, ejectis, mutatis, interpolatis, in unum Digestorum, seu Pandectarum opus conferrent: ne temere eadem recoquendo illud extenderent, ne supervacua, ne antiquata; præcipue, ne contrariantia admiscerent: talem denique omni illa ex materia librum concinnarent, in quo nihil legeretur, quod non tunc primum inventum & scriptum potuisset videri: indeque tantum, tamquam ex certissimo oraculo, prudentum responsa in ambiguis Juris quæstionibus petenda esse, severissime sancivit; falsi proposita poena, si quis ex alio qualicumque volumine aliquid recitare vel ostendere ausus fuisset; ne alioquin iterum ad eundem, ad quem ante,

I

inpin-

34 ANTONII SCHULTINGII

inpingeretur lapidem, & reducenda, quæ hæcenus invaluerat, incertitudini nova fenestra pateret.

Ex hisce, nisi fallor, quæ Justiniano fuerit hac in parte intentio, & quodnam Triboniani officium, quænamque ipsi competierit potestas, cuivis erit evidentissimum: id, nimirum, voluisse Cæsarem, idque Triboniano datum negotii, ut grassanti cum maxime confusioni pacandæ idoneum, ut foro, litigantibus, respondentibus, judicantibus inserviturum volumen, idque inconcussæ auctoritatis, componeret. Hunc in finem non eligendi solum ex Juris auctoribus quæ appositæ esse judicaret; sed etiam, ubi id suaderet ratio, ad præsentis temporis consuetudinem accommodandi potestatem accepit. Non ille, ut multi hodie temere prorsus sibi persuaferunt, plenam atque absolutam quidvis prohibitu figendi ac refigendi facultatem

ORATIO INAUGURALIS. 35

tem habuit. Id cui probabile poterit videri, qui cogitet, tantummodo, nihil minus in more esse Principibus, quam primariam hanc majestatis suæ prærogativam cum mortali quoquam communicare? Nec eandem etiam ita absque ullo limite concedi videmus in illa, quam de conceptione Digestorum ad Tribonianum Imperator emisit, constitutione; qua etiam expressissimis verbis cavetur, ne quid, nisi in foro receptum & usitatum huic libro inferatur. Immo tam longe inde abfuit, ut e diverso, si quid in percensendis veterum lucubrationibus vel minimum occurreret ambiguum, & necdum satis determinatum, non ipse id valuerit dirimere; verum ad Imperatorem, ut is quid sequendum foret, sua definitione, præscriberet, referre debuerit. unde ingens ille decisionum, eodem temporis curriculo promulgatarum, in

36 ANTONII SCHULTINGII
Codice Justiniano conspicitur nu-
merus.

Hoc Triboniani fuit officium, hæc
potestas; quem quidem non ubique
partes suas recte impleſſe, nulli equi-
dem inficiamur: concedimus etiam,
non ubique ea, qua oportuerat dili-
gentia, fide, religione fuiſſe verſatum;
ægerrime ferimus inſuper, vaſto adeo
atque immenſo operi, cui exacte eli-
mando ne decem quidem ſuffeciſſent
anni, non, niſi perexiguum, & ne inte-
gri quidem triennii ſpatium impenſum
fuiſſe. dolemus graviffime, quod innu-
meras uſu adhuc tum vigentes le-
ges, innumera Senatusconſulta, innu-
meras Conſtitutiones, innumera edicta
prætermiſerit; quæ ſi integre ubivis
propoſuiſſet, abſolutiſſimasque Ju-
riſconſultorum interpretationes accu-
rate ſubjeciſſet, quam egregie de Ju-
riſprudentia Romana, de ſua ætate
& de poſteris fuiſſet meritus! Ve-
rum

ORATIO INAUGURALIS. 37

rum de his jam non disputamus: at illud contendimus, illudque probandum recepimus, nihil ab officio Triboniani magis alienum fuisse, quam, ut neglectis recentioribus, Papiniano, Paulo, Ulpiano, Juliano, Gajo, Africano, Marcello cæterisque, quorum certa, indubitata & vivida, ipsis etiam Principum Constitutionibus approbata erat, auctoritas, ex vetustis illis, qui Rempublicam liberam viderant, Catonibus, Muciis, Manilio, Cascellio, Servio Sulpicio similibusque Pandectas conderet.

Quod autem ad ipsos illos antiquos, qui libertate vigente claruerunt Jurisperitos attinet, ut ut viros fuisse ingenio, judicio & exercitatione singulari, lubentissime agnoscamus; an tamen ideo sequitur, debuisse illos posterioribus præferri? Immo unde etiam liquet, sub Justiniano illorum scripta adhuc inveniri potuisse? Sane non, nisi ex

K

Q. Mu-

38 ANTONII SCHULTINGII

Q. Mucio, Ælio Gallo, vel uno forte alterove amplius priscorum illorum, eaque paucula fragmenta in Pandectas retulit Tribonianus. Vel etiam, ut largiar, adhuc alicubi eadem delituisse, adhibitaque debita opera, fuisse parabilia; illud tamen, nec id ipsum temere, asseverare audeo, eadem in scholis, tribunalibus ac iudiciis, aut nunquam, aut rarissime laudata fuisse; uti non inde tantum colligere proclive est, quod paucissimos libros in foro adhibitos, antiquorumque plurimos, ipsis etiam eruditissimis hominibus incognitos, penes unum nostrum Tribonianum repertos fuisse, testetur Justinianus. Verum insuper luculentissimum hac in parte indicium præbet scriptor gravissimus, & sesquiseculo fere Justiniano anterior, Ammianus Marcellinus; qui in tradendis anni a nato generis humani Sospitatore post
tre-

ORATIO INAUGURALIS. 39

trecentefimum, septuagesimi rebus
gestis, Trebatii, Cascellii, Alfeni-
que; qui tamen labente jam libertate,
& sub Julio Cæsare Augustoque in-
notuere; horum monumenta cum
Auruncorum ac Sicanorum dudum
sepultis & oblivione obrutis legibus
comparat. Denique Pomponius, qui
sub Divis Fratribus, Antonino ac
Vero, centum circiter & septuaginta
post natum Servatorem, atque adeo
trecentis fere & sexaginta ante Justi-
nianum annis floruit; ille ipse Pom-
ponius nonnullos recenset, ex illis
ipsis, qui non admodum diu Julii
Cæsaris tempora præverterant, quo-
rumque scripta jam tum non talia ex-
stitisse ait, ut ea omnes appetarent;
quin nec amplius versata inter manus
hominum. Et hi tamen ipsi celebra-
tissimi quondam fuerant auctores, A-
quilius, nempe, Gallus, Balbus Lu-
cilius, Sextus Papirius, Gajus Juven-
tius,

40 ANTONII SCHULTINGII

tius, adeoque, idem plures alios factum oppresfisse, ut ignoti in tenebris jam tum delitescerent, non levi suspicione ducti, arbitramur.

Verum, quid de Justiniani, quid de Ammiani Marcellini, quid de Pomponii ætate loquimur? An quidem Jurisperitorum illorum plerorumque vigiliis id contigit, ut, florente etiamnum æquis legibus Roma, omnium applausum tulerint? Non illæ, ob quas hodie tantopere desiderantur, causæ tunc obtinebant, linguæ, scilicet, qua nitebant, Latinæ elegantia; utpote, quæ esset vernacula, cuique exornandæ oratores, non legum & formularum interpretes, adhiberentur: nec antiquitates illic investigabantur; sed quæ nunc antiqua habentur, tunc passim erant obvia. Id ergo examinemus, quid de ea, quam docebant Jurisprudencia senserint illa tempestate sapientes homines. Et cujus
heic

ORATIO INAUGURALIS. 41

heic iudicio confidentius stabimus, ac
disertissimi inter Romuli nepotes Ci-
ceronis? Ciceronis, inquam, viri,
cui par magnitudini Romanæ inge-
nium obtigisse, memoriæ est prodi-
tum; quemque etiam, si anniti vo-
luisset, de principatu in Juris cogni-
tione, cum quovis contendere po-
tuisse, nemo, qui divina ejus monu-
menta diligenter evolverit, ibit infi-
cias. Is itaque Cicero, non illis so-
lummodo locis, ubi oratorem agit,
ubi causæ propositæ velificatur, &
quasi pro oblectamento habet Juris-
consultos salibus defricare; sed etiam,
ubi vel maxime sine affectu, serio,
candide, sincere loquitur, non id
tantum in illis observat, quod magna
quidem professi fuerint, at in parvis
versati, in parietum ac stillicidio-
rum jure, in stipulationum & judi-
ciorum formulis. Quod tamen & ipsis
cum posterioribus commune fuit;

L

nec

42 ANTONII SCHULTINGII

nec hac de causa parvi eos facien-
 dos censeo, cum æquitatis dictamina
 eadem heic sint, quæ in gravioribus,
 & justitiæ ratio non ex rerum pretio,
 sed propriis ex regulis æstimanda ve-
 niat. Refert etiam Tullius, inclinata
 jam libertate collapsam fuisse Juris-
 peritorum auctoritatem. Sed nec il-
 lud urgeo, quoniam id forte non
 tam illorum culpæ, quam temporum
 iniquitati & vitio fit, tribuendum.
 Verum alia longe graviora sunt, quæ
 meridiano sole clarius demonstrent,
 ea, quæ tunc terebantur Juris aucto-
 rum scripta, nihil minus, quam ab
 omni parte ad amussim exacta & con-
 summata fuisse: adseverat enim idem
 Tullius, ante Servium Sulpicium,
 tunc præcipue celebrem, vix quid-
 quam in Jure alicujus momenti atque
 ordine digestum, diem adspexisse.
 Hunc vero, Jurisconsultorum, quip-
 pe, non tantummodo omnium, non
 ejus-

ORATIO INAUGURALIS. 43

ejusdem modo ætatis, sed eorum etiam, qui fuissent, principem, verum reliquis etiam in humanioribus disciplinis, maxime in Dialectica, eximie versatum, talia consignasse, quæ in uno hoc viro artem fuisse; hunc lucem ad ea, quæ confuse ab aliis respondebantur attulisse, omniumque adeo labores longe post terga reliquisse, ostenderent. Nec cuiquam hoc mirum videri poterit, qui mentis aciem ad cæteras artes ac scientias sedulo intenderit. Inventæ quidem illæ sunt a viris maximis, ingeniosissimis, sapientissimis: sed ipsa rerum natura prorsus non patitur, aliquid simul & nasci, & consummari. Proinde rudia primo, informia atque incondita apparent principia; accedunt sensim, atque adjiciuntur nova incrementa, atque ita, jactis a primordio fundamentis, additisque dein, veluti lateribus, trabi-

L 2

bus

44 ANTONII SCHULTINGII

bus aliisque, tignis, tandem quasi
 ædificium ordinatur, exsurgit, fasti-
 gatur; idque non, nisi post ingen-
 tem annorum ac seculorum seriem.
 Temporis, nimirum, atque usus vis
 est longe maxima; &, si ulla res alia,
 sane & Jurisprudencia hisce magistris
 indiget. Hi lapides illi Lydii sunt,
 ad quos ubi ejus placita atque præ-
 cepta, illorumque utilitas & æqui-
 tas satis diu probeque explorata sunt;
 tum vero demum omnium applausu
 dignissima possunt judicari. Quinetiam
 inter innumera alia, quæ Juri Roma-
 no eximiam illam, qua hodieque ful-
 get, celebritatem ac commendatio-
 nem conciliarunt, nullo prorsus mo-
 do illud in postremis collocandum est,
 quod non unius alteriusve hominis
 opera, non anno, non lustro, non
 una alterave ætate natum fuerit, ra-
 dices egerit, adoleverit, maturuerit;
 verum ab ultimis usque urbis Romæ
 incu-

ORATIO INAUGURALIS. 45

incunabulis ad Justinianum usque
Cæsarem, per mille fere & trecento-
rum annorum spatium, recentia coti-
die augmenta, continuasque muta-
tiones, prout reipublicæ ratio, ne-
gotiorumque in amplissimo illo Im-
perio multiplicium gravissimorumque
nunquam non incidentium natura &
varietas exigebat, receperit; donec
tandem in unum corpus coaluerit.

Cæterum, ut, unde digressus
sum, eo revertar, quam procul a
plena perfectione adhuc remota fue-
rit, labente Republica Romana, Ju-
ris disciplina, quamque parum, non
superiorum tantum laboribus, sed &
ipsius Servii Sulpicii centum & octo-
ginta, quæ reliquit voluminibus
ad eandem perpoliendam, profe-
ctum sit, vel inde evidentissime ar-
guitur, quod ipse etiam Cicero de
redigenda in artem Jurisprudencia &
cogitaverit, & librum ediderit. Nec

M

uni

46 ANTONII SCHULTINGII

uni hoc visum est Ciceroni, verum etiam consilium fuit virorum maximo Cajo Julio Cæsari, *Jus civile ad certum modum redigere, atque ex immensa diffusaque legum copia, optimaque ac necessaria in paucissimos conferre libros.* Hujus jussu atque auspiciis si Juris aliquod corpus fuisset conditum, O quam insigne, quam nitidum, quam elaboratum, quam pene mortali majus opus inde exiisset! quantus civilis prudentiæ thesaurus! Sed quid juvat frustra votis ac suspiriis expetere, atque optare id, quod habere prorsus non possumus, immo de quo etiam, antequam conciperetur, spes omnis decolavit; quodque ipsum, quantumlibet eliminatum, emendatum & consummatum fuisset, non secus, ac aliæ res humanæ, & potissimum jura, mutationes ac vicissitudines suas subire debuisset.

Jam

ORATIO INAUGURALIS. 47

Jam vero, cum tali sese modo hæc habuerint sub Julio Cæsare, quid sub Justiniano, qui quingentis & septuaginta annis post Cæsarem imperavit, futurum fuit? Novata non una vice, erant interea pleraque, eorumque, quæ antiquitati placuerant, non, nisi minima quædam portiuncula pristinum vigorem retinebat. Sublatæ jam olim erant, paucissimis exceptis, cunctæ duodecim tabularum leges; quæ etiam Cicero-
ne, fenescente, & potente rerum Cæsare minus incipiebant frequen-
tari; quas tamen antea primarias æ-
qui bonique scaturigines habitas fuisse, constantissime, est proditum; quibusque innumera prudentium re-
sponsa nitebantur. Abrogatæ præter-
ea erant à Cæsaribus leges pluri-
mæ; subierantque iterum cum aliæ,
tum maxime Juliæ, varia Senatus-
consulta, ac constitutionum ingens

M 2

CO-

48 ANTONII SCHULTINGII

copia. Conditum erat insuper sub Imperatore Adriano novum ac perpetuum Edictum. Horum autem pleraque uberrimis & incomparabilibus plane recentiorum Juris auctorum commentariis exposita atque illustrata sub Justiniano circumferebantur. In quibus tamen ipsis innumerabilia legebantur, jam tum partim diversa consuetudine, partim contrariis Cæsarum placitis antiquata. Uti etiam è contrario non pauca inveniebantur, libertate vigente dubia, difficultatibus implicata, atque hinc inde magnis certaminibus agitata, posteaque, vel disputationibus prudentum, vel Cæsareis constitutionibus decisa; alia etiam olim omnino incognita, ac postmodo reperta & frequentata in illis occurrebant; usus, verbi gratia, codicillorum, fideicommissa, rerum, quæ usu consumuntur quasi ususfructus, bonorum, quæ liberi in parentum potestate constituti

ORATIO INAUGURALIS. 49

ti acquirunt, distinctio, & quæ plura sunt talia. His autem insuper habitis, si Tribonianus ex cascis illis, & dudum obsoletis Digesta concinnasset, qua, quæso, ratione vim juris volumen istud ab Imperatore potuisset accipere? An hoc non fuisset omnia invertere, miscere, atque in scholis forisque infinitis modis incertiora, ac pridem fuerant, reddere? An non eo pacto jus, ab illo, quod præsens approbaverat ætas, tota via alienum debuerat induci; & tale quidem, cujus in plerisque partibus fundamenta jam dudum funditus erant subruta, sublata, explosa? Scilicet, misso sub Constantino Magno pristinae ac vanæ superstitioni nuncio, Christiana invaluerat religio; bis commutata erat totius Reipublicæ facies, primo sub Julio Cæsare Augustoque, dein iterum sub eodem Constantino Magno; translata erat Constantinopolim Imperii

N

se-

fedes; alia longe, & pleraque olim plane inaudita magistratuum nomina, alia potestas, alia officia, alia dignitas; toto cœlo ab antiqua differens publicorum ac privatorum judiciorum forma; repudiati receptorum pridem rituum plerique; amputata radicitus formularum scrupulositas; plurimum distantia a vetustis, & iis quidem subinde forte postponenda; sed non raro etiam, vel ipsa fatente invidia, iisdem longe præstantiora, naturalique dictamini magis accommodata jura in nuptiis, dotibus, tutelis, acquirendi modis, testamentis, contractibus, criminibus, pœnis, denique nullis non vitæ quotidianæ negotiis. Nihil jam dicam de lingua, non minus ab antiqua differente, ac à pristinis distabant illius seculi mores, instituta & regiminis ratio. Et, si his ipsissimis de causis illi etiam posteriores Jurisconsulti, quorum ex scriniis hausta sunt

Di-

ORATIO INAUGURALIS. 51

Digesta, quique sub Cæsaribus vige-
rant, infinitis in locis, partim ab u-
su remoti, partim nonnihil inflectendi
fuerint, quid de illis, tanto a Justi-
niano remotioribus, tantoque pau-
ciora, quæ præsentibus temporibus
congruerent continentibus, erit di-
cendum?

Quæ cum ita non tantum sese ha-
beant, sed eorum etiam nonnulla à
Viro illo Celeberrimo, adversus
quem Tribonianum hætenus conati
sumus defendere, alibi animadversa
sint, demirari subit, quod eo nomi-
ne, Tribonianum infectatus fuerit,
quod is, posthabitis illis situ plane
fatiscantibus, ex posterioribus, qui
sub Imperatoribus vixere, Digesta
composuerit. Quid enim ad rem hanc,
qua de agimus, pertinet, quod illi *vere*
Romani, & *in summo honorum & au-*
thoritatis gradu stante Republica fuerint;
quod ea gravitate & auctoritate viri,

N 2

ut

52 ANTONII SCHULTINGII

*ut sola ipsorum præsentia & majestas
formidabilis futura fuerit posterioribus
illis Græcis, Syris, Africanis; qui,
cum essent peregrini, e' dissitis provinciis
Romam venerant, ut linguam Lati-
nam, & demum Jurisprudentiam ad-
discerent, quique a dignitate veterum
tam longe aberant, quantum advena
novitius a vero nobili, negotiis patriæ
sue innutrito, atque in iis exercitato.*
Quid, inquam, hæc ad eam, quæ
præ manibus est, quæstionem faciunt?
Non enim, quales hi, vel illi, cives,
an peregrini, fuerint; sed quænam
scripserint, & quam juri, æquitati, &
potissimum, quam Justiniano seculo
bene, vel male convenientia; illud
vero est, quod fuerat investigandum.
Nec etiam illi vere Romani eo mi-
nus homines fuere, humanæque con-
ditioni per omnia obnoxii; quin nec
eo solo, quod tales essent, magis ad-
ultam, perfectam, politam habue-
runt

ORATIO INAUGURALIS. 53

runt. Jurisprudentiam. Et nonne
etiam alii, quamvis peregre Romam de-
lati fuissent, jus nostrum recte intelli-
gere, veritatisque & æquitati in inter-
pretando feliciter litare potuerunt?
Quam longe petita hæc reprehensio?
Quid? ubi ne ipsi quidem antiquissi-
mi Romani, cum civitati assiduis tur-
bis & seditionibus diu jactatæ jus æ-
quum condendum esset, Græci homi-
nis, Hermodori Ephesii exfulis con-
siliū adhibere dedignati sint; quem
etiam Leges Decemvires exposuif-
se, statuaque in comitio publice di-
cata honoratum fuisse quidam tra-
diderunt; an nos, post civitatem jam
olim ex constitutione Antonini Ca-
racallæ cum omnibus in orbe Roma-
no ingenuis communicatam, pere-
grinitatis controversiam Jurisconsul-
tis movebimus? Immo licet peregri-
ni, licet remotis ex provinciis oriun-
di fuissent, nihil tamen ideo minus
O inde

54 ANTONII SCHULTINGII

inde efficitur, quam ipsos Romam contendere debuisse, ut primo sermonem Latinum, ac dein demum Jura addiscerent, atque ita non, nisi fero evaderent eruditi, cum ea tempestate neutrum horum urbis Romæ pomœrio, vel Italiæ etiam finibus circumscriberetur; sed utrumque longe lateque per omnes Imperii partes personaret, & proinde non ita difficulter, ac antea ejus cognitio posset comparari. Ut autem pedem propius conferamus, quinam sunt isti Græci, Syri, Africani? Video heic recenseri Africanum, Tryphoninum, Modestinum, Javolenum, & his similes. Sed quibus indiciis, quibus testibus nobis fides fiet, hos non fuisse mere Romanos, & in Italia, etiam in ipsa urbe Roma in lucem editos? Nullus sane idoneus auctor quidquam hac de re scripsisse reperitur; & quid magis frivolum, quid magis ine-

ep-

ORATIO INAUGURALIS. 55

eptum esset, quam nulla alia, nisi nominis ratione, Africano Africam patriam adscribere? Nec in Tryphonino, cui nomen Claudius, nec in Modestino, qui Herennius Modestinus appellatus est, aliud hac in parte causæ apparet, quam, quod illi è Græco formatum fuerit cognomen; hic libros de excusationibus Græca lingua elucubravit? Sed quam invalidæ, & nullius plane pretii hæ sunt conjecturæ? Quam facili negotio ingens illorum contexi posset series, qui, cum essent haud dubie Romani, Græca habuerint cognomina, vel Græce libros elaborarint? Notari & hoc meretur, solos quatuor de excusationibus libros Græce conscripisse Modestinum, cum alios quatuor & quinquaginta Latine exaratos reliquerit. Quod ad Javolenum Priscum (ita enim appellatus fuit) attinet, non ignoro, à viris magnis observatum esse, Javole-

O 2

num

56 ANTONII SCHULTINGII

num, vel Jabolenum dictum quasi Diabolenum; atque adeo è Græcia peti-
tum esse hoc vocabulum. sed tamen
eo solo argumento ipsum hominem
Græcum fuisse, cui persuadebitur? In-
cidit sane is in tempora Domitiani,
Nervæ, Trajani, & cum aliis hono-
ribus functus est, tum etiam Africæ
Syriæque præfuit; ad quæ, profe-
cto, peregrinis tunc nondum patuit
aditus. Nihilo melioris est monetæ,
quod de Ulpiano non longe post il-
la profertur iudicium; ipsi, *cum na-
tione Syrus esset, quod ipse testatur,
cumque bonam ætatis partem in scholis
Græciæ atque in Rhetorica exegisset
(quod ex commentariis in Demosthenem,
qui ipsi tribuuntur, apparet) longe fa-
cilius fuisse Græce; qua in lingua ex-
ercitatus erat, quam Latine scribere,
quem sermonem declinante jam ætate di-
dicisse eum oportuit. Verum undenam
constat, Ulpianum in Syria lucem*
ad-

adspexisse? Ipse quidem de se testatur, Tyro sese oriundum fuisse: at notum est, in Jure Romano in definienda alicujus origine non de loco nativitatis, sed de illo, unde genus quis duxerit, cogitari: proindeque nihil vetat, quominus Ulpianus origine fuerit Tyrius, & vel patrem, vel avum, vel proavum, abavum aliosque majores habuerit Tyrios; ipse tamen etiam in media Romæ auras vitales haurire cœperit; atque ita Latina lingua ipsi, non sero demum, ac post inpenfam Græcis litteris atque eloquentiæ magnam ætatis partem, addiscenda; sed omnino cum lacte materno hausta, & vernacula fuerit. Nec, si seculi illius consideretur genus, quæ nobis ex Ulpiani laboribus sunt reliqua, sive in Digestis, sive etiam quæ a Gothis conservata sunt, barbariem aliquam vel peregrinitatem redolent: at e diverso,

P

fatis

58 ANTONII SCHULTINGII

fatis nitide, ornate, adde & perspicue, ipsum scripsisse, evidentissime demonstrant. Quod autem de commentariis in Demosthenem adjungitur, hinc plane est alienum, cum jam dudum illa inter doctiores recepta sit sententia, non Domitio Ulpiano, sed cuicumque tandem alii longe inferioris ætatis ea deberi.

Concidit itaque omnino illa de peregrinitate accusatio, atque adeo & illa novitii advenæ cum vere nobili, patriæ suæ negotiis innutrito, atque in iis exercitato odiosa comparatio. Nihilo magis æquum ac verum, quod sequitur de recentioribus Jurisperitis judicium, *fuisse ipsos promptiores ad scribendum vernacula sua lingua, Græca, Syriaca, Africana, quam Latina.* Mirum, profecto, ita pronuntiari a Viro in omni antiquitate versatissimo; & verendum, ne, quemadmodum in assignanda ipsis patria parum disputavit
feli-

ORATIO INAUGURALIS. 59

feliciter, pari modo & heic, re non
admodum bene perpenſa, ſententiam
protulerit. Quid? noſne, lingua La-
tina jam dudum mortua, nec ſatis
nobis comperto, quid ſeculi illius
palato arriferit; noſne illis, qui di-
fertiffimi, & facundiſſimi olim audi-
vere, quorumque etiam, tamquam
idoneorum Latinitatis auctorum, mo-
numenta ab ipsis veteribus Latinitatis
cenſoribus, Grammaticis, laudan-
tur, hanc quæſtionem movebimus?
Cæteroquin ingenue fateor, antiquos
recentioribus, non omnes quidem
omnibus, multos tamen multis, pal-
mam in ſermonis puritate præripuiſ-
ſe. Ac, licet non ſim ignarus, eſſe,
qui ſolis ex Pandectis Latinam lin-
guam priſtinæ integritati reſtitui po-
tuiſſe arbitrentur; illos tamen res
ſuas ſibi habere jubeo. Novi, non
unum alterumque, at ſeptem & tri-
ginta auctores ſymbolas ad hoc opus

P 2

con-

60 ANTONII SCHULTINGII

contulisse, quorum novissimi a vetustissimis ampliori, quam quadringentorum annorum intercapedine fuerint disjuncti; quorumque adeo alii, quibus florente quammaxime Latini sermonis nitore nasci contigerit, emendatissime locuti reperiantur; alii, non patriæ vitio, sed temporum suorum abrepti consuetudine, a pristina recesserint elegantia. Quibus etiam de causis, uti Latinitatem ex Digestis non mediocriter adjuvari posse arbitror, ita absque Cicerone, Cæsare, Livio, Virgilio, Horatio, Ovidio, similibusque optimis aureisque scriptoribus eandem integritati suæ restitui potuisse, id vero pernego. Horum absque nitidissimis atque auro pretiosioribus lucubrationibus verendum fuisset, ne etiamnum hodie Gothice atque Longobardice cum Bartolo Baldoque non tam loquuti essemus, quam barbaros, informes, quique delicatis auribus hor-

ORATIO INAUGURALIS. 61

horrorem incussissent, sonos edidisse-
mus. Et certe Magno Budæo ipsius-
que sectatoribus immortales debentur
gratiæ, quod Jurisconsultos huma-
nioribus litteris operam navare, ac
Latina oratione animi cogitata effer-
re docuerint. Sed, ut in viam me re-
cipiam, a qua me amor ille, quo
erga Latinam linguam feror singula-
ris, abduxerat; defectusne hic non-
nullorum nostrorum Jurisconsulto-
rum in Latinitate, Tribonianum
movere debuit, ut vetustiores il-
lis præferret? Profecto, si ex ve-
ro; nec, ut Grammaticos, at ita,
ut Juris studiosos decet, rem hanc
examinaverimus, nihil erit certius,
nihil evidentius, nihil magis indubi-
tatum, quam, primam ipsi ac potissi-
mam rerum curam esse debuisse, an,
videlicet, res, quas traderent, ei, quæ
tunc obtinebat Jurisprudentiæ forent
consentaneæ: de verbis minus fuisse

Q

fe

se laborandum. Immo is, qui ab antiqua puritate magis aberat, stylus, tradendæ sub Justiniano Juris arti eo ipso fuit accommodatior. Quinetiam, si qua hac in parte fuisset culpa, illa temporibus, non hominibus, non Triboniano esset imputanda.

Quemadmodum autem de patria ac Latinitate Jurisconsultorum nostrorum parum benigne, parumque juste pronunciatum ostendimus, ita nec verior justiorque illa, quæ priores excipit, & ut vara vibiam, sequitur, accusatio; illos *ita habere in exprimendo Latine id, quod volunt, ut dimidia pars supplenda sit, & (ut vulgo dicitur) adjuvanda litera etiam divinando.* Non abnuerim, unum forte alterumve inveniri, qui non admodum exacte atque perspicue mentis suæ intentionem expresserit: verum paucissima ejusmodi responsa in Pandectis exstant; & inter tot alia, ad octo novemve millia, antequam

ORATIO INAUGURALIS. 63

quam vel viginti, de quibus liquido id affirmari possit, collegeris, multum laboris ac circumspeditionis erit adhibendum. Alioquin, si illa semel aperiatur janua, ut ex eo, quod aliquid nobis intellectu atque explicatu difficile sit, ejus generis dica protinus auctoribus ipsis scribatur, quis unus erit ex universa vetustate, vel Græcus, vel Latinus, in quo non innumera reperiantur, in quibus etiam eruditissimis hominibus aqua hæreat, multaque conjectando divinandoque sint supplenda; quique proinde eidem criminationi non pateat? Nobis hodie non admodum proclive est hac in parte de veteribus ita statuere; deficiente præcipue non tantum contra ipsos æqualium aut paulo juniorum testimonio; sed &, cum videamus nonnullos ipsorum etiam à facundia celebrari. Et, si dicendum sit id, quod res est; cum plurima in

Q 2

Di

64 ANTONII SCHULTINGII

Digestis etiam hodie illis, qui linguæ Latinæ usu pollent, rerumque antiquarum, præ cæteris vero Juris notitiam sibi acquisivere, non usque adeo impedita ac salebrofa, pleraque etiam facilia sint, an non e contrario longe majori jure asserere liceret, ipsos illos Jurisconsultorum libros olim, cum adhuc essent integri, nec adhuc a librariis male habiti, cum lingua eadem etiamnum vigeret, resque, de quibus agerent in judiciis quotidie agitentur, tunc illos nulla ejusmodi obscuritatis aut difficultatis labe contaminatos fuisse. Sed audiamus, unde colligatur, ipsis non ita facile ac pronum fuisse, id quod cogitarent Latine enunciare. Probatur hoc adducto, ut admodum celebri, ita vexatissimo Cerbidii Scævolaë responso; ubi ille de diversis agit postumorum generibus; de quibus quæ proponitur disputatio, ab hodiernis illa quidem

ORATIO INAUGURALIS. 65

dem judiciis in plerisque abhorret. olim vero scitu plane fuit necessaria, cum esset utilis ac in foro frequentata. Licet autem nulli negemus, esse illic quædam, quæ crucem figant interpretibus, partim ob ipsius materiæ subtilitatem, partim etiam forte ob lapsus librariorum, quid hoc ad Scævola? quid ad Tribonianum? Eone illi statim erunt traducendi? Nec de ipso etiam Scævola verbum prorsus ullum additur; cui quoque non absque maxima absurditate vel peregrinitas, vel Latine loquendi imperitia objici poterat. Africanus pariter, qui in transcurso tangitur, auctor fuit, gravis, qui multa paucis solitus fuerit proponere, atque adeo longe plura in recessu contineat, quam præfert adspectus. Sed nonne & illud cum innumeris, tam Jurisperitis, quam aliis egregiis scriptoribus commune habuit; quos si quis

R

ideo

66 ANTONII SCHULTINGII

ideo Latine ac expedite scribere non potuisse contenderit, quid aliud apud doctos, nisi rideri & explodi meretur? Nihil quoque causæ est, ut nos hodie de Africani obscuritate multum conqueramur, postquam insigni ingenii & industriæ suæ specimine quidquid Africani nobis superest accuratissime, doctissime ac uberrime illustravit ille omnium post instaurata Juris studia Jurisperitorum absque controversia princeps Jacobus Cujacius. Africanum tandem excipit Terullianus; ex cujus stylo, quem duritatis ac ruditatis incusant Lactantius atque Hieronymus, conjecturam capi posse, indicatur de reliquis hisce Jurisconsultis, quantopere in iis, quæ volunt, Latine explicandis hæreant. At quam gratis hoc asseratur, difficile non est apertissime demonstrare. Certe in Digestis non, nisi fo-

la

ORATIO INAUGURALIS. 67

la quinque Tertylliani exstant re-
sponſa ; in quibus etiam ipsis nul-
lum omnino peregrinitatis aut diffi-
cultatis ejuſmodi veſtigium apparet ;
omnia vero clara ſunt, plana atque
perſpicua. Quinetiam alium fuiſſe
Tertyllianum Jurisconſultum à Q.
Septimio Florente Tertulliano vete-
ris eccleſiæ Chriſtianæ doctore ; quam-
vis & is Juris non mediocriter peri-
tus fuerit, cum hac, tum aliis ratio-
nibus inducti viri doctiſſimi, autu-
mant. In fumum abit itaque & hæc
criminatio : quæ, utcumque etiam
de illis, qui exempli cauſa addu-
cuntur veriſſima prorsus & liquidif-
ſima fuiſſet, quis tamen æquo to-
leraret, animo, duorum triumve,
vitium nullo diſcrimine in omnes
ſeptem & triginta Jurisperitos, to-
tumque Digefſtorum volumen confer-
ri ? Et quid, ſi inverſus foret rerum
ordo ? Quid, ſi Tribonianus ex anti-

R 2

quis,

68 ANTONII SCHULTINGII

quis, quos tantopere in cœlum effe-
 runt, posthabitis recentioribus, Pan-
 dectas confecisset? Quantum heic no-
 bis tricarum, quantum falebrarum,
 quantum molestiarum ac negotii pro-
 fligandum fuisset in verbis rebusque
 a moribus nostris tanto majori secu-
 lorum intercapedine, distantibus?
 Quantum nobis? cum etiam in illis,
 qui Servium præcessere Juris aucto-
 ribus ordinem atque lucem deside-
 rasse sese, ipse ostenderit Cicero?
 Quam prodigiosa heic ubique sese ob-
 tulisset nodorum & ænigmatum seges,
 quibus solvendis idoneus nemo unus
 adestet Oedipus? Quanto heic am-
 plior Triboniani accusatoribus in
 ipsum detonandi patuisset area? Tum
 vero vel terræ cœlum, & cœlo mare
 miscuissent; tunc forsitan, quos
 nunc ultra modum inclementer inse-
 ctantur, eosdem ipsos effusissimis vo-
 tis exoptarent, utpote, qui lucem
 ve-

ORATIO INAUGURALIS. 69

veteribus affunderent; & non minus fortasse quæ in priscis illis laudanda fuissent, dissimularentur, ac nunc de iis, quæ, quidquid etiam obloquatur livor, in posterioribus ubivis enitent egregia & divina profus inventa, altum agitur silentium.

Haftenus, quam perperam ob peregrinitatem, minus exactam Latinitatem, ac in scribendo obscuritatem culpentur nostri in Digestis Jurisperiti, abunde demonstravimus. Nec majoris momenti sunt reliqua, ob quæ Tribonianum illis vetustos præponere debuisse, contenditur. Extollitur ergo, ut ante audivimus, horum dignitas, gravitas, majestas, quibus emicuerunt. Haud equidem sum nescius, summo semper in honore sub libera Republica fuisse Juris civilis cognitionem atque interpretationem, quodque eandem, teste Tullio, in possessione sua retinuerint civitatis principes. Verum

S

rum

rum ideone ars Juris vel tantillo fuit perfectior? Eone minus de plurimis controvertere, pluraque ignoravere, quæ subsequuta ætas felicissime reperit? Nec tamen est, quod hac in parte in posterioribus desideremus; cum ipsorum plerosque, & quidem præcipuos, primariis sub Imperatoribus functos fuisse honoribus, uberrime testentur historiæ. Habemus & heic Papinianos, Ulpianos, Julianos, Cellos, Neratios, Scævolas, Mæcianos, Marcellos, Paulos, aliosque; quorum nonnullos Præfectura Prætoriana, proxima Imperatoriæ dignitas, quosdam Consulatus provinciarumque administrationes nobilitarunt: alii a libellis, vel memoria, alii Cæsarum amici fuisse referuntur. Nec nobis etiam heic defunt, de quibus insignia prudentiæ, gravitatis, temperantiæ, innocentiae proferri possent testimonia. At non in transcurso, sed ex prof-

fes-

ORATIO INAUGURALIS. 71

fesso maximorum horum virorum laudes, quibus satis deprædicandis nulla quantumlibet copiosa sufficeret oratio, deberent celebrari.

Porro indignantur Triboniani accusatores, quod, cum hi recentiores in Jurisprudentiam irrepsissent, id inprimis egerint, ut veterum scripta morderent, atque notarent; quod *honoratos illos & eximios Jurisconsultos veteres tam ambitiose reprehendere & carpere conati sint, quemadmodum accidit nonnunquam, ut advenæ habitandi causa in civitatem recepti, civibus naturalibus molestiam exhibeant.* Injuriosa, mehercule, & bilis plena comparatio; quæque nihil minus, quam ullam veri speciem præferat. Ostendimus ante, quam fine causa peregrinitas Jurisconsultis nostris objiciatur; & utcumque etiam ea dubio careret, ideone in quæstionibus Juris non licuit ab indigenis dissentire,

tire, eosque etiam reprehendere?
Nisi forte solis civibus, nescio, quo
privilegio, ubique, amota erroris ca-
ligine, verum perspicere contigerit.
Ulterius quæro, quinam ex illis, quo-
rum potissima in Pandectis supersunt
fragmenta, id ipsum tam ambitiose
egerint, ut priscos illos, qui sub libera
Republica enituerant, morderent?
Nullus sane profertur; cum tamen in
exprobrando ejusmodi admissio nullo
modo oportuisset vagari. Quin, etiam-
si vel maxime huic incubuissent rei,
ut, si quid vel à ratione, vel Juris di-
ctamine deflectens apud priores lege-
retur, hoc indicarent, refellerent,
ejusque loco melius aliquid præscri-
berent; quid, obsecro, in eo peccati
fuiisset? An non in re litteraria cui-
bet hoc integrum? Ac si quis justa
quidem de causa id fecerit, quamvis
fastu, jactantia, verborum pompa,
vel etiam acerbitate modestiæ exce-
dat

dat terminos, & hoc ipso apud homines moderatos offensionem forte incurrat; nihilominus vera erit, ac manebit ipsius sententia. Ergo non tam, an, quam quo jure, quave injuria instituta fuisset hæc reprehensio; hoc vero fuerat considerandum. Sane non ivero inficias, occurrere in Digestis, qui interdum subinque alios interpretentur, ac taxent; non tamen ibi tantopere antiqui, de quibus nunc agimus, quam plerumque ipsis scribentibus æquales, aut paulo priores; ii certe, qui sub Cæsaribus vixere, carpuntur, & improbantur. Ipsa etiam illa loca exiguo admodum sunt numero, cum iis, ubi optimo jure veterum, opiniones repudiantur, nequaquam comparando. Nec ipsi etiam illi prisca heröes ita ab omni parte beati fuere, ut suos non paterentur manes, ut quæstionibus atque ambiguitatibus, de quibus in diversa

T

abi-

abirent, seque refutarent invicem, carerent. Aliud aliquando Manilio Brutoque, aliud Scævolæ placuit. Immo ipse Servius ex professo ad Q. Mucium Notata elucubravit. Numquam etiam, non Juridici tantum, sed nullius prorsus studii sacra aliter constabunt: quin, uti fuere semper dissensiones, sectæ, objectiones, confutationes, ita, quamdiu hæc rerum duret natura, numquam prorsus desinant; magno quidem societatis humanæ incommodo & detrimento; attamen iis sæpe hoc inest utile, quod ad ipsam veritatem non raro aditum patefaciant. Exemplo sint vel solæ celebres illæ Sabinianorum ac Proculianorum sub Imperatoribus sectæ atque altercationes; quæ etiam in non paucis ejus, quod certum esset ac recipiendum, inveniendi occasionem præbuere.

Plurima huc usque habuimus, Auditores, in quibus æquitatem desideravi-

ORATIO INAUGURALIS. 75

ravimus ab infectatoribus Tribonia-
ni recentiorumque Jurisconsultorum.
Sed omnem iniquitatem superant,
nec tolerari, aut concoqui prorsus
possunt ea, quibus huic invektivæ co-
lophonem inponit Vir doctissimus.
*Non pergam, ait, in excutiendis no-
vissimis his Jurisconsultis Græcolatinis,
producam modo testimonium Plinii Se-
cundi, quod de aliquo inter eos celeberrimo
Javoleno Prisco protulit. Nam libro
sexto, Epistola quintadecima, cum rem
parum honorificam de eo narrasset, ad-
dit, hominem turbati cerebri habitum esse.
Dein hæc Plinii verba subjicit. Est o-
mnino Priscus dubiæ sanitatis: interest
tamen officiis, adhibetur consiliis, atque
etiam Jus civile publice respondet. Quid
audio? dubiæ sanitatis fuisse Javole-
num Priscum? & quid inde? Idemne
& de universis reliquis judicabimus?
Est sane Plinius omni exceptione
major testis: sed, an is Javolenum Prif-*
T 2 cum,

cum, celebrem illum Jurisconsultum, qui in Digestis citatur, an vero alium, qui itidem Jurisperitus fuerit, intellexerit, non absque causa posset dubitari; uti etiam temporum ratio non finit, ut is confundatur cum illo, quem Divo Pio a consiliis fuisse tradit Capitolinus. Certe, cum cogito, successorem Cælio Sabino, scholæ Cassianæ principi, datum hunc Javolenum, eundem Africæ Syriæque præfuisse, eundem a Salvio Juliano, prudentissimo ac primariæ dignitatis viro, ipsius etiam Edicti perptui ordinatore, titulo præceptoris honorari; illius aliquod factum, tamquam juris rationi conveniens, laudari; nec non ab ipso Juliano, hac auctoritate moto, idem, & factum esse, & aliis suasum; hæc, dico, cum accuratius mecum reputo, animi pendeo, huncne ipsum, an alium Plinius designaverit. Incubuiſſet quidem probatio-

tionis onus accusatori. Sed, ut faciles fimus, quid, si vel hoc ipsum concedamus, quod volunt, eundem fuisse? Quid, si forte declinante ætate mentem ipsi hebetatam dicamus? Eone minoris æstimanda erunt, quæ antea præclare gesfit, oreque & calamo docuit? Denique quid hoc ad reliquos; quos quidem Græcolatinos per ludibrium video appellari; at quos tamen ingenii, sapientiæ, prudentiæque laude passim celebrari comperimus? Ideone & de illis ejusmodi aliquid suspicabimur? Quænam illa foret adeo nova, adeo inaudita, adeo juri; quid dico, juri? adeo communi sensui contraria, & absurda plane præsumptionis regula? Sed ita solitus fuit huc usque procedere Vir, cætera egregius, at Justiniano Tribonianoque nimis adversus & inimicus; ut quod in uno alterove vitii sese observasse arbitretur, id absque ullo discrimine uni-

V

ver-

versis, qui ejusdem essent ordinis, impingeret.

Atque ita tandem omnia, quæ ille in Tribonianum evibrat, non tam argumenta, quam quidem convicia, quam longe arcescita, quam incerta, quam omni robore destituta atque inania sint, cuivis erit exploratissimum. Quæ ideo plenius atque accuratius enumeravimus, expendimus, labefecimus, evertimus, ut cunctis constaret, non illos solos à veritatis via longe deflectere, quorum mentibus prava illa hæret superstitio, ut universa Justiniani & Triboniani effata, tamquam divinitus edita, absque ullo examine, adorent, ac reveantur; verum, & illos è diverso sæpe, non gravissime solum, sed & perniciosissime, errare, qui tum demum egregium sese decus, amplissimaque ac opima spolia reportasse; tum demum inpenſe sese sapere imaginantur,

tur, si vel levissimam in Tribonianum invehendi occasiunculam adepti fuerint; nimis frequenter temere atque inconsiderate. simul, ut illorum pro virili satisfaceremus desideriis; qui, si talia à veritate abhorreant, nihil magis Jurisprudentiæ interesse, nihil magis publice utile ac necessarium esse existimant, quam eadem solide, ac perspicue dilui, & refutari.

At nunc, causa hinc inde exacte cognita, quis tandem Vestrum, Auditores Præstantissimi, Tribonianum incuset, eive juste succenseri posse censeat, quod, missis obsoletis, quæque olim quidem fuerant in pretio, præsentī vero rerum disciplinæ è diametro adversabantur, illos potissimum in conficiendis Pandectis adhibuerit Jurisconsultos, quorum constans & valida in judiciis erat auctoritas. Et an non alioquin eadem simul opera oblique culpabitur, quod non pristi-

na secula, pristinos mores, pristinam Rempublicam, differentias inter cives ac peregrinos, patricos plebejosque, pristina comitia, auspicia, cuncta denique, gentilium sacra reduxerit? Fecit ergo Justinianus, fecit Tribonianus, quod sana dictavit ratio; &, cum tempora mutare prorsus non valerent, ad illa sese, suumque Juris Corpus accommodarunt. Videant, ergo isti, qui cornicum oculos confixisse sibi videntur, dum Tribonianum ita perstringunt, quam præter omnem æquitatem cum eo, cui Imperatoris jussu dirimendis forensibus contentionibus inserviturum volumen erat componendum, expostulent, quod non corpus antiquitatum, nostræ, videlicet, curiositati satisfacturum, condiderit. Videant, quam ipsi sibi consent egregie, dum alibi ob formularum veterum & antiquitatum exstantes alicubi reliquias ei-

ORATIO INAUGURALIS. 81

eidem inclementissime insultant. Ita immoderatum carpendi studium viros etiam maximos transversos potest agere, ipsi ut sui obliviscantur, taliaque efflagitent, quæ si vel haberent, illico etiam satis reperirent causæ, ob quam multo adhuc forte atrocius contra eos, quos sibi odio prosequendos desumpsere, cornua attollerent.

Nos vero, Auditores, quibus cordi est Romana Jurisprudencia, iis, quibus frui nobis licet, contenti simus Catonibus. Amplectamur Justiniani ac Triboniani egregie de sua ætate, egregie de posteris merendi studium. Ne nimis rigidi & morosi levissimarum etiam minutiarum simus exactores. Cogitemus, illorum beneficio innumera, eaque præstantissima, ipsorum etiam vetustiorum Jurisperitorum cogitata ad nos fuisse transmissa, quorum alioquin forte nec vola nec, vestigium nobis restitisset. Gratulemur itaque

X

no-

82 ANTONII SCHULTINGII

nobis, laudesque ac grates dicamus
 Imperatori Justiniano, ipsiusque,
 Quæstori Triboniano, quod æterni-
 tate dignissimum Pandectarum volu-
 men nobis composuerint. Nos illud,
 reliquasque Juris partes diligentissi-
 me nocturna diurnaue manu pervo-
 lutemus. Quo in præclarissimo stu-
 diorum genere ut in Inclyta hac Uni-
 versitate eorum, qui aliis præeant,
 sit copia, visum est Serenissimo Nas-
 savia Principi, Reipublicæ hujus do-
 mi militiæque Præfecto Hereditario,
 atque, Illustribus Proceribus, unà
 cum aliis eruditissimis Viris me quo-
 que in insigne hoc atque affluentissi-
 mum liberalium scientiarum empo-
 rium arcessere. Qua de causa, uti sum-
 mopere exulto, novosque ac ingen-
 tes ad capeffenda indies majora sti-
 mulos mihi adjectos esse sentio; ita
 committere nec possum, nec debeo,
 quin & heic publice hanc animi mei
 sen-

sententiam expromam. Hoc igitur beneficio devinctus, eo nomine Celsissimo Principi, cujus singularis hac in parte erga me favor exstitit; & quoniam tanti, tam invicti Herois, simul & Patriæ Patris honorificentissima præsentia in splendidissimo hoc auditorio ad summum fulgoris apicem desideratur, igitur absenti; nec non Vobis, Generosi atque Nobilissimi Magnates, pro transmissa ad me insignis benevolentiaë aura, proque collato mihi honore, gratias ago, quas animo concipere valeo, amplifimas.

Vos etiam, cujuscumque doctrinaë lumina, Celeberrimi Professores, me in Clarissimum Vestrum collegium nunc recens cooptatum, lubenti, quaeso, & proclivi animo accipite. Mihi id vicissim, curæ erit, ut candide, absque querelis, absque mendacio vitam vobiscum concordissime transi-

84 A. SCHULTINGII ORATIO INAUGUR.

gam; mihique erga Vos omnes amicitiae & officii constet ratio.

Vos tandem, patriae, parentum & nostra exspectatio, voluptas & deliciae, Florentissimi Juvenes; inprimis, qui Almae Jurisprudentiae Vosmet devovistis, ita de me, velim persuasum habeatis, Vobis, Vestris studiis, Vestris commodis, vestris desideriis nihil mihi prius, nihil jucundius, nihil antiquius futurum: idque me omni ope, assiduitate, industria, meditatione operam navaturum, ut ea vobis via praeam, qua recte & fedulo calcata, patriae aliquando cives utiles, rebus agendis idonei, justique & veri non solertes tantum Doctores, sed & religiosi custodes & observatores evadatis.

D I X I

Ex quo non Oportet latere
quod si quique erga Vos omnes uni-
versae officii consilio ratio.

ostendam, patris, parentum &
familiae exspectationes, voluptates & deli-
cias, florentissimi Jureces, imprimis
qui Almae Jurisprudentiae Vobiscum de-
vovistis, ita de me, vellei perser-
vam, habeatis, Vobis, Vestris stu-
diis, Vestris exspectationibus, vestris deli-
ciis, nihil minus, nihil justius
scitis, nihil antiquius integrum: id-
que me omni opus, assiduitate, in-
dustria, meditatione, non in paratu-
rum, ut ea vobis via praestem, qua
recte & sedulo calcata, patriae ali-
quanto cives utiles, rebus agendis
idonei, justique & veri non solertes
tantum Doctores, sed & religiosi co-
stodes & observatores evadatis.

D I X I

